

L

FAKTOR

se iz puške koju je sam napravio

Objavljeno: 14.08.2017. u 17:15

Protiv maloljetnika (17) iz Modriče, koji je slučajno u sebe ispalio lovački metak iz puške, podnesen je izveštaj jer je nakon detaljne istrage i vještačenja utvrđeno da je pucao iz oružja koje je sam prethodno napravio kod kuće.

U Policijskoj upravi Doboj su rekli da je izvještaj podnesen zbog sumnje da je počinio krivično djelo nedozvoljena proizvodnja i promet oružja ili eksplozivnih materija.

Klupko se počelo odmotavati kada je policiji prijavljeno da je maloljetnik teško ranjen iz improvizovanog vatrenog oružja i da je prevezen u bolnicu.

Tog 4. juna navečer modričkoj policiji stigao je poziv da je pored ribnjaka na privatnoj parceli u mjestu Miloševac kod Modriče teške povrede zadobila maloljetna osoba.

Improvizovana puška nađena je na mjestu događaja, ali i drugi tragovi koji su poslani na vještačenje.

Ono što se u početku činilo kao nesmotrena igra tinejdžera, na kraju se završilo sumnjom na počinjeno teško krivično djelo. Naime, tokom istrage utvrđeno je da je on, bez znanja bilo koga, u radionici koja se nalazi u sklopu porodične kuće u kojoj živi sa roditeljima napravio dvije puške koje koriste lovačke metke.

Navodno je za izradu pušaka koristio neke stare cijevi. Oni koji ga poznaju kažu da ga zanima puno toga i da sve želi da proba i napravi. Pretpostavlja se da je želio da od cijevi napravi nešto drugo, ali da je u jednom momentu to izraslo u pušku.

Kada se dogodila nesreća vjerovatno je želio isprobati kako funkcioniše njegovih ruku djelo, ali je pri tome metak opalio u njega.

- Tog dana bio je sa društvom, ali je ubrzo otkriveno da niko drugi nije umješao, te da se sam ranio usljed nestručnog rukovanja. Tom prilikom zadobio je tešku povredu lijevog plućnog krila, bio je operisan i dugo u bolnici – saznaje **Blic** od izvora upućenog u istragu.

Iz policije su tada kazali kako je na osnovu prikupljenih saznanja utvrđeno je da je iz nepoznatih razloga došlo do ispaljenja jednog metka iz improvizovanog vatrenog oružja u kojem je korištena lovačka municija. Isto tako, utvrđeno je da je prilikom transporta povrijeđenog maloletnika, povrede zadobio i N. T. koji je pomagao da sedamnaestogodišnjak, koji je obilno krvario, stave u auto.

U tom metežu njemu je preko stopala prešao zadnji točak automobila, kojim je upravljao N. P. i njemu je pružena pomoć u dobojskoj bolnici.

- U slučaju nanesenih povreda N. T. događaj je okvalifikovan kao krivično djelo ugrožavanje sigurnosti – rečeno je tada u policiji.

Faktor pratite putem aplikacija za **Android**. Pratite nas i na društvenim mrežama **Facebook** i **Twitter**. Zabranjeno je prenošenje sadržaja bez odobrenja redakcije. Kontaktirajte nas na **redakcija@faktor.ba**.



KONTAKT IMPRESSUM MARKETING UVJETI KORIŠTENJA JAVI FAKTORU SADRŽAJ

Redakcija
redakcija@faktor.ba
+387 33 944 398
+387 33 944 392
Marketing služba
marketing@simurgmedia.ba
+387 33 944 206
+387 33 944 207

Sva prava pridržava Simurg media d.o.o. ©2021
Simurg media d.o.o.; Zmaja od Bosne 88, 71000 Sarajevo, BiH, info@simurgmedia.ba, +387 33 942 660